

AGENDRE TRINITATIS

MINGGU 28 Juni 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 6**

6. YESU WONDREGE ZALAŴA

1

do = es 4/4

MM = 88 - 96

1. Yesu Wondrege ZalaŴa, si so ita barö mbawa, fao niha ma'a fefu. Dozi nifatörö - Nia, mangalulu fö na - Nia, ba wolohe sumange, ba wolohe sumange.
2. Khö-Nia wa'asalaŴa, ba hadia wa'ebua, oi khö-Nia so manö. He si yaŵa ba zorugo, he si so ba gulidanö, oi Ya'ia zokhö ö, oi Ya'ia zokhö ö.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafu zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452**Haleluya..... Haleluya..... Haleluya.....****SA** : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 21**21. LOWALANGIDA NO FA' OMASI 2**

do = es 4/4

MM = 88 - 96

1. Lowalangida no Fa 'omasi, Lowalangida Wa'omasi.
Andrö samu-za tö ufaduhu 'ö, Lowalangida Wa 'omasi.
2. Ya'o nifesu ba wesu horö, ya'o nikuru abudödö.
Andrö samuza tö ufaduhu'ö, Lowalangida Fa'omasi.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangida, tehalö moroi ba zura **IV Moze 14:11-19**

11. Ba imane Yehowa khö Moze: Ha wa'ara tebato wango'aya niha andrö ya'o, wa lö faduhu dödüra khögu, lö lai dandra andrö fefu, si no ulau ba khöra andrö!
12. Da'ubunu ira fökhö waba, use'e ira, ba ya'ugö ube'e furugö soi [si bohöu], sebua ba sato niha moroi khöra!
13. Ba imane Moze khö Yehowa: Ba larongo Dawa Miserayi; noa sa ö'ohe miyawa, moroi ba khöra, soi andre fa'abölömö andrö,
14. ba la'ombakha'ö ba niha ba danö andre, ba zi no terongo, wa ba hunö niha andre so ndra'ugö, ya'ugö Yehowa, awö wa no ö'oroma'ö ndra'ugö, fa fa'ila bawa. Ya'ugö Yehowa, awö wa no so yawara lawuo andrö khöu, wa mowaöwaö'ö fönara, na ma'ökhö, ba boto lawuo, ba ba zi bongi, ba boto galitö.
15. Ba na öbunu soi andre, hulö na ha samösa, ba lamane dania soi bö'ö, si no mamondrongo turiamö andrö:
16. Me no tebai Yehowa, i'ohe ba danö andrö, nifabu'unia khöra fahölusa, soi andrö, andrö wa ibubunu ira ba danö si mate.
17. Ena'ö na oroma sibai wa'abölöu, ya'ugö Yehowa, si mane nifabu'umö, me ömane.
18. Sebolo tödü Yehowa ba si no fahöna fa'ahakhö dödü; sala ba olalöwa, ba ibe'e aefa, ba lö'ö sa aefa sibai wotu; horö ndra ama ihuku ba ndraono, irugi tölu, öfa nga'ötö.
19. Be'e aefa horö niha andre, ba wa'ebua wa'ahakhö dödü andrö, si mane fame'eu aefa horöra i'otarai ba danö Miserayi, irugi ma'ökhö!

Simanö daroma Li Lowalangida, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangida si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangida, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödüma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödü-U, ena'ö Ö'efa'ö khöma höröma andrö si no mafalua, irege sohahau tödü ndra'aga wanohugö fekolima ba zi so fönama si faudu ba zomasi

Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrongo daroma Li Lowalangi, tehalö moroi ba zura **Yohane 15:12-17**

12. Da'ö gorosagu, ena'ö faoma mi'omasi'ö nawömi, si mane fa'omasi-Gu ami.

13. Fondrege wa'ebua wangomasi'ö awö, na ibelegö nosonia niha föna zi fahuwu khönia.

14. Si no fahuwu khögu ami, na mi'o'ö hadia niwa'ögu khömi.

15. Lö'ö sa'ae ube'e töimi genoni, enoni, ba lö i'ila, hadia nifazökhi zokhö ya'ia; ba no ube'e töimi zi fahuwu, noa sa u'ombakha'ö khömi fefu nironogogu khö Namagu.

16. Tenga ya'ami zanuyyu ya'o, ya'o sa zanutuyyu ya'ami, ba no ufataro ami, ena'ö möi ami mowua, ba ena'ö lö tebulö mbuami, ena'ö ibe'e khömi Ama hadia ni'andrömi khönia ba döigu.

17. Da'ö gorosagu khömi, ena'ö faoma mi'omasi'ö nawömi.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FAMALUA HALOWO NI'AMONI'O FAMAYAGO IDANO

8. FASÖMBATA

Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu sifao fangowuloi fasömbata DPS. Ba si föföna ua da tafondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö
Numero 274

274. HE SO' AYA KHÖU NDRA' ODO 1

do = f 4/4

MM = 96 - 104

1. He So'aya, khö-U ndra'odo, tödögu ubè khö-Mö.
Be'e wa'omuso dödö, khögu ero ma'ökhö.

- Dönia 'ö ndra'odo, ba wanara lahe-Mö.
 Lö manö uröi Ndra'ugö, khö-U so wangahono dödö.
 2. Lö usaŵa danö bö'ö, ha Yesu, zomasido.
 Khö-Nia so wangefa'ö, fa lö tehuku ndra'o.
 Fa'abölö zatana oi ilaŵa So'aya.
 Fa'onekhe dali niha, lö mofozu, lö moguna.
 3. Böi böhölido So'aya, Ya'ugö gubalogu.
 Ba wekoligu ba danö, he na aetu nosogu.
 No faduhu dödögu, wa Ötolo Eheha-U.
 Irege tola ukhamö, wa'auri sindruhundruhu.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
 Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya ' e zumange fasömbata, ma ' ohe sumange Yehowa.

Iramatua

Reff :Ma'andrö khö-U fahowu'ö zumange ni 'ohema khö-Mö

2. Ya'e zumange fasömbata mabe'e soroi ba dödöma.

Reff : Ma'andrö khö-U

3. Ya'e zumange fasömbata buala si'otarai Nama.

Reff : Ma'andrö khö-U

4. Ya'e zumange fasömbata, boto, noso, ba fa'aurima

Reff : Ma'andrö khö-U

5. Ya'e zumange fasömbata, lö irugi zomasi dödö-U.

Reff : Ma'andrö khö-U

6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'öfulu, owasa wanaru ma owasavvamasi, btm ba itema'ö sangai huhuo si fao taroma Li Lowalangi si faudu ba wasömbata ni' owuloi andrö)*

8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
 Koor ba Vokal Group
 a. Koor Jemaat
 b. Kegiatan Komisi Bapak
 c. Kegiatan Koremda
 d. Kegiatan sektor 3
 e.

9. MANUNÖ

- SA** : Da tafa'anö dödöda wamondrongo taroma Li Lowalangi, manunö ita moroi
 Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrongo li Mö Yesu
 Mangalulu ndra'odo föna-U ba gametahö-Mö ia da 'a
 Öbayoini Eheha-U Yesu dozigö mbanua samati khö-U.
 Ubokai dödögu khö-U Yesu nahia daroma li-U.
 Taroma li-Mö lö fa'atebulö menewi ma 'ökhö ba si 'ogötö'ö lö sa
 mamalö.
 Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi *Filemo / Filemon 1:4-7 (Tuho Migu:Fa'omasi Zangomusoi'ö Tödö ba Sangabölö'ö / Kasih yang Menggembirakan dan Menguatkan)*
 - Fanuriaigö
 - Nitanö ba dödö. *Yohane / Yohanes 15:12 (Da'ö goroisagu, ena'ö faoma mi'omasi'ö nawömi, si mane fa'omasi-Gu ami. / Inilah Perintah-Ku, yaitu supaya kamu saling mengasihi, seperti Aku telah mengasihi kamu.)*
 - Fangandrö Fanga'aro'ö huhuo
- SATO** : Manunö : BZ. Numero 154 : 1

154. NO MAFONDRONDRONGO LIU²

- No mafondrondrongo li-U, Lowalangi So'aya.
Tanö ba dödöma ia, fa böi olifuga.
Fahowu 'ö ia khöma, ena'ö ohahau dödöma fefu.
Heta ba dödö zi lö sökhi, ma'o'ö niwa 'ö-U.

11. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 265 ayati 1-2**

265. SÖKHI NA FEFU ITA¹

do = es, 4/4

MM = 96 - 104

- Sökhi na fefu ita, hasara dödöda.
Atulö zamösana, ita khö nawöda.
Atulö zamösana, ita khö nawöda.
- No omasi Zo'aya na sara dödöda.
Lö fawinisa tödö khöda zamösana.

Lö fawinisa tödö khöda zamösana.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **265 ayati 3**

265. SÖKHI NA FEFU ITA 1

do = es, 4/4

MM = 96 - 104

3. Hulö wa'aekhu namo, tou ba gulidanö.
Möi khöda howuhowu, na faoma atulö.
Möi khöda howuhowu, na faoma atulö.

SH : YA'AHOWU

SATO : YA'AHOWU